



## Universitätsbibliothek Paderborn

**Francisci Tvrriani Societatis Iesv, Aduersùs  
Magdeburgenses Centuriatores pro Canonibus  
Apostolorum, & Epistolis Decretalibus Pontificum  
Apostolicorum, Libri Quinq[ue]**

**Torres, Francisco de  
Coloniae, 1573**

**VD16 T 1629**

Cap. XVII. Responsio ad ea, qu[a]e in epistolam Zephyrini obijciu[n]tur: ac  
primùm de genere sermonis, deindè de non cohaerentibus, posteà de  
testimonijs scripturae temerè citatis, deindè de non ...

**urn:nbn:de:hbz:466:1-29685**

clesiæ Romanæ, quod ei à Domino tributum est, in Apostolico canone, vt iam explicatum est, contineatur. Quod quidem non est mirum, vt dixi, nō intelligere Magdeburgenses, nec assentiri. Immò magis mirum esset, si intelligerent, quod credere nolunt. Non enim credunt, fuisse beatum Petrum principem Apostolorum: neque reliquos Apostolos agnouisse eum primum & tanquam caput: alioquin facile intelligerent, eandem formam relietam esse successoribus eorum tum maioribus, qui sunt Archiepiscopi, tū minoribus, qui sunt reliqui Episco pi. Quia verò quacunque occasione oblata legentes iuuare studeo, admonebo hoc loco epistola Zephyrini, Locus epistola Zephyrini quod est hic scriptum in exemplaribus publicis, id est, impressis: Iudicia enim episcoporum, maioresq; ecclesiæ causæ, à Sede Apostolica, & non ab alia, sicut Apostoli & sancti successores eorum statuerunt cum alijs Episcopis, sunt terminandas: ambiguum esse, vtrum dicat, terminandas esse causas maiores à Sede Apostolica cum alijs Episcopis, id quod Acacius Romano pontifici obijciebat, non potuisse scilicet sine Synodo Episcoporum Petrum Alexandrinum, & ipsum Acacium damnare: quod quidem beatus Gelasius grauissimè refutat: an dicat, sicut sancti Apostoli statuerunt cum alijs Episcopis: hoc, inquam, quod ambiguum esset, & facile propter ambiguitatem ad sensum Acaci & aliorum schismaticorum detorqueri posset, sic est in Vaticano exemplari, sine vlla ambiguitate scriptum: Sicut Apostoli & sancti successores eorum cum alijs Episcopis statuerunt. Eodem modo ante Zephyrinum loquens beatus Anacletus de alio canone Apostolorum, ad eosdem authores retulit, id est, ad sanctos Apostolos, & eorum successores cum alijs Episcopis. Sic enim ait in Epistola 1. Et beati Apostoli, (ita enim est in eodem exemplari Vaticano vetustissimo) ac prædecessor noster vir Apostolicus, & spiritu Dei plenus, vna cum reliquis sancti s colligis suis statuit, dicens: & quæ sequuntur.

*Reffponsio ad ea, quæ in epistolam Zephyrini obijciuntur, ac primùm de genere sermonis, deinde de non cohærentibus, postea de testimonij scripturaræ temerè citatis, & de ratiocinationibus inepitè confectis, deinde de manifestè falsis.*

Cap. 17.

**S**ed quia cœpimus respondere ad ea, quæ Magd. in Epistolam Zephyrini obijciunt, persequamur reliqua omnia, nihil dissimulantes, quantum libet leue & ridiculum esse videatur: nè isti, in quo maximè insipientiam suam produnt, in eo de sapientia glorientur. Hæc ergo sunt, quæ iudicio quadruplurali Centuriatorum in Epistolam Zephyrini obijciuntur: Primùm, genus sermonis in epist. 2. Vtatur exilio perpetuæ deportationis: modernis temporibus Christianitatem suscepistiſ &c. ] Loquitur pontifex, vt vulgo tunc loquebantur. Probent Magd. non sic illis temporibus vulgo loqui solitos. An existimant Magd. verbum Moderni, à modo dictum, nouum tunc fuisse? minimè credo: quod si vetuserat, licet

K inele-

Cor. II.

inelegans & vulgare, quid obstabat, quo minus eo verbo & similibus pontifex vteretur, quibus vulgus vtebatur: qui, ne similis eis videretur, qui ex electione verborū laudē & gloriā inanem querebat, exemplo Apostoli impetratus sermone, sed nō scientia, videri volebat? An non idē fecerunt sancti Apostoli, qui euangelia & epistolas nobis scripserūt? Sed ad hunc locū copiosius proximo libro defensionis epistolarū, istis respōdebimus, qui sapientissimos Pontifices de verbis accusantes, videri volunt elegantes & eloquētes, cū sint ipsi interdū putidissimi & infantissimi. Et, nisi ocio abutitur p̄cēniteret, possim hoc facile permultis exēplis docere. Deinde ἀναλογία  
[inquiūt] in his paſsim multa. In Zephyrini epist. i. non cohārent cum superioribus ea, quæ incipiunt, Patriarchæ verò &c. ]

Quo modo cohārent in epist. Zephyrini, quæ tamquam noui cohārentia Magd. accusant.

Philip. 2.

Coloſ. 1.

Sed videamus cohārent ne, an potius Magd. cohārentiā nō intellexerint. Si enim ad eos labores, qui illis tēporibus ab Episcopis suscipiendi erant, & ad ea pericula, quæ subeunda, & eas persecutions, quæ assidue sustinendæ, accusandi Episcopos quibusvis licentia permissa fuisset, quotusquisq; fieri tūc Episcopus voluisset? Hinc tanta ac tā crebra Pontificū solicitudō & cautio, nē Episcopi temerē accusarētur. Scribit igitur Zephyrinus ad Episcopos Sicilię, monetq; eos in procēsio prudētissimè, quales esse debeāt, nē vīlius iniqui calūrias & falsas accusations metuāt: monet, inquā, vt sint sicut stellæ lucētes in mūdo, vt Apostolus ait, stabiles & immobiles ab spe euangelij, & in eo seruādo ita fixi, vt sunt stellæ in firmamēto cœli: ita enim futurū esse, vt nō plus aduersūs eos iniquitas hominū ad obscurandū splendorē gloriae eorū valeret, quamvaleat nox ad extingendū fulgorē stellarū. Postquam ad hunc modū Episcopos aduersūs iniquitatē accusatorum admonuit & instruxit, cōtinuō se ad præcipiendū iudicibus episcoporum opportunē conuertit, inquiēs: Patriarchæ verò vel primates accusatū dis- cutientes Episcopū: & quæ sequuntur. Dicant nunc Magd. si quid iudicij habent, quid aptius & magis appositum esse potuit, quam à iudicatis personis ad iudices sermonem transferre? id est, ab Episcopis ad Patriarchas, vel Primates? ita isti valentes animaduertores, hōc tantum proficiunt reprehendendo & notando, vt suam prodant insipientiam & tarditatem. Illud etiam tanquam ἀνακόλουθον, vt istorum græcizantium verbo vtar, id est, non cohārens notārunt, quod in eadem epistola Zephyrinus ait: De occultis enim alieni cordis: & quæ sequuntur. Hic quoque ignorantiam suam prodiderunt. Debuerant enim animaduertere, continere hanc Epistolam, vt ceterorum illius seculi pontificum, varia decreta, vndē decretales Epistolæ dictæ sunt. Immō S. Isidorus has Epistolas decreta vocat, sic enim eas inscripsit, Decreta Anacleti, Decreta Zephyrini, & similiter in alijs. Ut iam non semper opūs sit cohārentia, vbi de rebus varijs necessē est varia esse capita, vt vel in nostris literis, quas scribere solemus, sāpē solet fieri, vt ab uno capite ad aliud ἀνακόλουθως transeamus: tamēfi in ijs quoque varijs capitibus, ratio quādam ordinis & cōcessiā seruari possit ac soleat:

vt hic:



vthīc: Dixerat enim, Nec in re dubia certa iudicetur sententia: nec ullum iudicium, nisi ordinabiliter habitum, teneatur: absens vero nemo iudicetur. Accusatores autem eorum omni careant suspicione. Duodecim autem iudices quilibet Episcopus accusatus, si necessè fuerit, eligat: ius causa ad Sedem Apostolicam referatur. Ad eam quoquè ab omnibus appellandum est. Hæc sunt huius epistolæ decreta, quæ sunt ordine suo aliud ex alio nectendo, posita. quæ omnia locum habent, cum dare non dubia iudicium sit, sicut principio dixerat. Deinde subiungit: De occultis enim alieni cordis temere iudicare, peccatum est. An partum hoc cohæret? quæ hic ἀνακολουθία?

Deinde in plerisque (inquiunt) scripturæ testimonia plurima sine iudicio congeruntur: & ineptè conficiuntur ratioinationes: interdùm etiam de prauatè citantur.]

Hactenū Magdeb. Melius & cautiūs isti sibi consuluerūt hoc loco, qui nullum testimonium scripturæ notārunt, deprauatè, vt ipsi dicunt, citatum, nè à nobis redarguerentur, & non intellexisse conuincerentur. Ratioinationem vero inepitè confessam, aiunt esse hanc: Petro dictū est à solo Dominō, Quæcumque ligaueris super terram, &c. Ergo ecclesia Romana debet iudicare de causis aliorum Episcoporum.]

Sic isti. Etsi satis ad hoc responsum est supra, cogor tamen iuxta proverbiū

Salomonis, contra stultitiam istorum iterum respondere, nè sibi artem ratiocinandi, quam penitus ignorant, scire videantur. Petro dictum est primū à Domino, Quæcumque ligaueris &c. Quero à vobis noui Zenones, creditis ne esse hoc verum, an non? si creditis, ergo potestas ligandi ei primū conuenit, cui primū data est: & cum repugnet, pluribus primū conuincere, consequens necessariò est, vt per primū Episcopum, ad alios Episcopos transferatur: vt rursus per Episcopos, ad alios inferiores. Quod si alijs Episcopis non conuenit potestas ligandi subiectos, aut soluendi, nisi per primū, vt omnia ad unum redeant, ergo ipsi Episcopi à nullo possunt ligari aut solui, nisi à primo, aut ab alio, autoritate primi. Etenim si ab alio, quam à primo, ligari vel solui possunt: Ergo ille alius, à quo possunt, potestatem ligandi & soluendi habet non translatam ad se per primū: ac rursum illi primo non est data primū potestas ligandi soluendi, cuius contrarium positum erat, & à vobis concessum. Quod si negatis, quod posui vos credere: in utra parte est vitium male & ineptè ratiocinandi? in nostrane, qui euangelio credimus, & ex vero verum concludimus? an in veltra, qui non creditis? & idè ex falso falso summae existimat? Euangelium enim negat, qui beatum Petrum, Principem Apostolorum esse negat, dictumq; ei soli specialiter: Quæcumque ligaueris: & que sequuntur: & per eius specialem & primam potestatem, translatam esse generaliter ad omnes alios Episcopos potestatem ligandi & soluendi specialiter cuiusq; eorum subiectos. Sed vt melius fortassis intelligent vim & for-

Quomodo ratiocinatio ze phyriini à Magd. repre benja, conuincat eos ratios cinadi artem penitus ignos rare.

Quia Magd. euangelio non credunt de potestate pout. idcirco ex falso falso summae nobis conclu di putant, cū ex eo quod dictū est Pet tro, summam potestatem se qui demon stramus.

K 2 mam Matth. 16.

*Exemplum simili rationis eius, quā in epist. Zeph. Magde. reprobantur.*

manū huius ratiocinationis, quam non intelligentes suo more reprehēderunt, proponamus eis similem ratiocinandi formam in potestate regali, per quam transfertur potestas secularis iudicandi ad summos magistratus & principes, & per eos ad alios inferiores. Regi Galliæ, verbi gratia, data est primum à Deo secundum legem seculi, potestas iudicandi de causis secularibus, & condemnandi & absoluendi in regno suo: ergo regis senatus, quem Parliamentum vocant, de causis summorum magistratum & principum eius regni, qui sub potestate regis sunt, iudicare debet. Etenim si non debet, consequens est, ut non fuerit data primum potestas regi Galliæ regendi regnum suum, & per eum ad alios magistratus & principes translata potestas in suos, cuius contrarium possum erat. Si igitur haec ratiocinatio valet in rege seculi, cur non valeat in uno rege spirituali vnius regni spiritualis, quod est ecclesia catholica?

Deinde (inquit Magd.) si ad analogiam historiarum, & rerum huius seculi conferantur, tum pleraque in his epistolis per se manifeste falsa sunt, vt quod I. Zephyrini dicitur, Christum præcepisse Apostolis, vt 70. discipulos in adiumentum eligerent: cùm id nunquam ex euangelistis constet: & certum sit ex Luce decimo, Christum LXX. discipulos elegisse, & emisisse.] Haec tenus Magd. Fingamus non fuisse Zephyrinum, vt Magd. volunt, qui hanc epistolam scripsisset, par ne erat, vt verisimile eis videretur, auctore epistolæ tam grauis, & tanta decretorum sapientia plena, ignorasse, quod in cap. Lucæ 10. scriptum erat, quod ne pueri quidem ignorare solent? An non potius oportebat, si illa eis cura & studium scripturas intelligendi erat, considerare hic proprietatem & usum verborum, consequentiam rerum, & traditionem Apostolicæ interpretationis: & non suo more ferri præcipites, ad reprehendendum, priusquam quod reprehendunt, intelligent? Ergo eligere in scriptura, quod Græcè dicitur ἡλίας, homonymum est: aliquando enim significat segregare, & feligere è multis, non dando potestatem, vt cùm ait, Et conuocantes duodecim multitudinem discipulorum, dixerunt: Non est æquum, nos derelinquere verbum Dei, & ministrare mensis. Considerate ergo fratres, viros ex vobis boni testimoniij septem, plenos spiritu S. & sapientia, quos constituanus super hoc opus: & placuit (inquit) sermo coram omni multitudine: & elegerunt Stephanū, & reliquos: & statuerunt ante conspectum Apostolorum: & orantes, imploserunt eis manus: & quæ sequuntur. Elegit ergo multitudo: & Apostoli, tanquam ministri Dei, potestatem spiritualem diaconorum dederunt electis. Et rursus de electione Matthiæ: Et statuerunt (inquit) duos: & orantes, dixerunt: Tu Domine qui corda nostri omnium, ostende sive declará, quem elegeris ex his duobus. Quem elegeris, inquit, quæ electio facta quidem est à Domino dando potestatem electo. est autem utrobius idem verbū Græcè ἡλίας. Haec tenus de proprietate & consuetudine verbi, eligendi, in scriptura. Videamus nunc, quid Euangelistæ dicant, vt sensum Zephyrini pontificis

*Quomodo intelligendum est, quod ait Zephyrinus, Christum præcepisse Apostolis, vt discipulos in adiumentum eligerent. Act. 6. Duplex genus eligendi in scriptura. Act. 1.*

tificis ex verbis & consequentia rerum eliciamus. Videns autē (inquit Matthæus) turbas, misertus est eis, quia erant vexati & iacentes, sicut oves non habentes pastorem. Tunc dicit discipulis suis: Messis quidem multa, operarij autem pauci: Rogate ergo Dominum messis, ut mittat operarios. Hæc ergo est consequentia rerum, à Mattheo & Luca exposita, postquam vidit Dominus turbas, & misertus est eis: tunc dixit, Messis quidem multa, operarij autem pauci: Rogate ergo Dominum messis, ut mittat operarios: tunc Apostoli, ut admoniti à Domino de necessitate mittendi operarios propter multam messem, & de necessitate petendi hoc à Domino, qui dixerat omnibus, Petite, & accipietis: rogauerunt Dominum, ut mitteret operarios. Nō enim credendum est, non fecisse eos, quod eis Dominus præceperat, id est, rogare, ut mitteret operarios. Priùs autem quām Dominus mitteret, necesse erat secundūm consequentiam rerum, ut ostenderet siue declararet, eos, qui mittendi essent, quod interpres euangelij vocat, designare: & rursus priusquam designaret, id est, ostenderet siue declararet, quos mitteret, necesse erat, ut eligerentur, id est, segregarentur ab alijs hominibus, & statuerentur ante eum, ut designaret, id est, declararet à se electos, dando eis potestatem. Actum ergo designandi, id est, declarandi electos, quos Dominus misit binos, narravit Lucas, inquiens: Post hæc autem designauit Dominus. Græcè <sup>Luc. 10.</sup> enim est ἀναγέγραπτο, quo verbo vsus est idem Lucas in electione Matthiæ, vbi Apostoli statuerunt duos, & orantes, dixerunt: Ostende, siue designa (ut vta mur verbo interpretis euangelij) quem elegeris. Quarè quod fecerunt Apostoli in duobus illis, quos ex numero aliorum elegerunt, non quidem dando eis potestatem, sed statuerentes, siue representantes ante Dominum, ut alterum eorum designaret, id est, declararet, ut haberetur electus à Domino: & quod fecerunt illi, qui, sicut idem Lucas narrat, elegerunt viij. viros, & hos statuerunt ante conspectum Apostolorum, & eos Apostoli elegerunt, dando eis potestatem, id est, declararunt diaconos, ordinantes eos per orationē <sup>Aet. 6.</sup> & manus impositionem: hoc, inquam, ijdem Apostoli in illis 72. fecerunt. Eos enim elegerunt, & statuerunt ante Dominum, ut Dominus eos declararet à se electos (hoc enim significat, ut dixi, verbum Græcum ἀναγέγραπτο) & declaratos, mitteret binos. Itaque non dixit Zephyrinus, Quos Dominus præcepit designari, id est, declarari: sed dixit, Quos præcepit eligi, scilicet ex numero aliorum: segregari, inquam, à multititudine, & statui ante Dominum, ut ipse designaret, id est, ostenderet, iuxta vim verbi Græci, quos eligebat, dando eis potestatem, ut sic designatos, id est, declaratos, in messem suam mitteret. Vnde non dixit Lucas, Post hęc elegit, siue segregauit Dominus, & statuit ante se alios 72. sed, ἀναγέγραπτο, id est, declarauit alios 72. quos scilicet Apostoli, postquam rogauerunt eum, ut mitteret operarios in messem suā, ipsi elegerunt, & statuerunt ante eum, ut eos verè ac propriè eligeret, dando eis potestatem: mitteretq; in messem suam. Sic quoquè non solum Zephyrinus, sed ante eum S. Anacletus in epist. 2. intellexit, sicut à discipulis Aposto-

K 3 Iorum

lorum didicerat. Videntes autem (inquit) ipsi Apostoli messem esse multam, & operarios paucos, rogauerunt Dominum messis, ut mitteret operarios in messem suam. Inde electi sunt ab eis 72. discipuli, quorum typum gerunt presbyteri. Idem rursus dixit in epist. 3. id ipsum, quod Zephyrinus ab eo multum tuatus est. Sed Magd. cum nechomonymiam verbis, eligendi, nec usum eius intelligerent, neque quid verbum designandi, hoc loco significaret, neque consequiam rerum aduerterent, neque locos scripturarum conferrent, neque traditionem Apostolicae interpretationis curarent, vici sunt sibi aliquid scienter in epistola Zephyrini notare & reprehendere. Sed nos eorum inscitiam retextimus & coarguimus, ne sibi sapientes videantur. Sed fortasse Magd. ut quae diximus, refellant, dicturi sunt, quod Dominus dixit: Rogate ergo Dominum messis, ut mittat operarios: non pertinere ad designationem illorum 72. quia prius dicat Lucas. Post haec autem designauit Dominus & alios 72. & postea sequitur, Et dicebat illis: Messis quidem multa, operarij autem pauci. Rogate ergo &c. Quibus respondemus, Matthaeum esse, qui illa loco suo posuit, tunc scilicet, cum vidi Dominus turbas, & misertus est eis, qui erant (inquit) vexati & iacentes, sicut oves non habentes pastorem: & tunc dixit discipulis suis, Messis quidem multa. Rogate ergo &c. Lucas vero suppleuit, quod in loco post illa verba Domini Matthaeus prætermiserat, designationem scilicet 72. Quod vero postea addidit Lucas præpostero ordine, (ut saepè Euangelistæ solent) & dicebat illis, Messis quidem multa &c. recapitulatio est, euangelistis familiaris, qua usus est hic ad continuandum ea, quae Dominus dixit discipulis. Haec autem, Rogate Dominum messis, & que sequuntur, non dixisse Dominum, postquam designasset 72. significauit idem Lucas, cum dixit, Et dicebat illis, quo verbo imperfecti temporis ut solerent euangelistæ, quando nō est idem ordo rerum gestarum & narrationis. Possem hoc, si opus esset, pluribus exemplis demonstrare, quod omnes alioqui, qui attentè & studiosè legunt euangelium, facile obseruare possunt.

Matth. 9.

*Responso ad alia crimina, quæ adhuc in epistolas beati Zephyrini Centuriatores obijciunt, quæ ad historiam illorum temporum pertinent: in quibus errasse manifeste coniunctuntur, & quomodo Demetrius Alexandria Episcopus, ex Apostolorum traditione, curius testis est Synodus Nicena, cognoscere potuit principatum Episcopi Romani. Item responso de forma gubernationis ecclesiastice, ex Patriarchis vel primatibus, & Episcopis, quam tempore Zephyrini fuisse negant: & de tempore, quo datæ sunt literæ, & itē responso ad ea, quæ secundum analogiam fidei se aiunt reprehendere: & de Eusebio, & Hieronymo, & alijs, quos obijciunt, non vidisse epistolas Zephyrim, & de cap. Si Romanorum dist. 19. quod in epistolam Zephyrini, immo in epistolas omnium veterum pontificum, obiecerunt.*

Cap. 19.

Se